

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 26 zenbakia. 1998ko azaroaren 20a.

Produkzioa erakusgai

Pilotalekuan izango dira herriko 9 enpresen produktuak

Antzuolako Udalak, herriko hainbat enpresatan egiten dena ezagutarazteko ekimena izan du. Datorren asteburuan, azaroaren 28 eta 29an, erakusketak egingo du herriko pilotalekuan. Helburua garbia da: antzularrei Antzuola enpresetan egiten dena erakustea.

Herriko bederatzi enpresen produkzioa jarriko da pilotalekuan. Enpresa handi eta ez hain handietan egiten dena ezagutzera emateko helburuarekin antolatu da. Erakusketan Elay Taldea, Goizper, Matz-Erreka, Alzas Elektrizitatea, Talleres J. Navarro, Talleres Antzuola, Echaniz Kolak, Elco eta Lauko enpresak egongo dira. Udalaren ekimena izan den arren, proiektuan hasieratik herriko enpresen ordezkariak ere izan dira, erakusketa antolatzeke.

Jone Larrañagak, Udalaren teknikariak, azaldu digunez, "erakusketa ez da enpresaka egingo. Helburua produktuak erakustea denez, produktu horien arabera antolatuko dugu. Produkzioaren stand bakar bat egingo dugu, hortaz, bi lekutan produktu bera egiten baldin bada, bi produktuak elkarren ondoan egongo dira". Enpresa handi eta txikien arteko bereizketarik ez dugu egin nahi. "Guztiei, ahal den neurrian, aukera berdina eman nahi diegu. Horregatik antolatuko dugu erakusketa produktuen arabera eta ez enpresen arabera".

Pilotalekuan

Valen Moñux aparejadoreak azaldu digunez "pilotalekuan egingo den era-

kusketa honek 500.000 PTako aurrekontua dauka. Ordiziako Udalari eskatu zaizkio stand-ak eta horietxek jarriko dira pilotalekuan herriko enpresek euren produktuak jar ditzaten".

Erakusketaren lehenengo egunean, zapatuan, luntxa ere egingo da eta hori "enpresen kontura izango da".

Bestalde, herriko eskuz binakako pilota txapelketari dagokionez, asteburu horretan ez da pilota partidurik jokatu. Astebete atzeratuko dira eta finalerdia eta finala ere beranduago izango dira. Finalerdia abenduaren 12an jokatu da; finala, berriz, abenduaren 19an.

Ordutegia

Azaroaren 28an, zapatuan, irekiko da erakusketa arratsaldeko 18:00etan

eta 20:00ak bitartean hantxe izango dira bederatzi enpresetako ordezkariak euren produktuak erakusten. Luntxa arratsalde horretan egingo da. Domekan, berriz, eguerdiko 12:00etan irekiko da pilotalekua 14:00ak arte eta arratsaldeko 17:00etatik 20:00etara.

Lauko Torlojogintza: autoetarako azkoinak

Hamahiru urte daramatzate dagoneko Lauko Torlojogintza tailerreko bazkideek Lizarragako hiribidean lanean. Jose del Rio bergararrarekin batera beste hiru bazkide ari dira, Sevilla eta Bartzelona bezalako lekuetarako azkoinak egiten. Lauko Torlojogintza-koek Talleres J. Navarro eta Matz Errekarentzat ere lan egiten dute. →



Lauko Torlojogintza.




Echaniz Kolak



Talleres J. Navarro



Alzas Elektrizitatea.



Talleres Antzuola

➤ **Echaniz Kolak: gelatina, seboa eta kola**

Familiarteko tailer hau 1950ean sortu zen eta gaur egun Mamen Jauregik zuzentzen du. Lizarragako hiribidean duen lokalean, metalei distira ateratzeko erabiltzen diren gelatina industrialia, seboa eta kola ere egiten ditu. Mamenek Gipuzkoa eta Bizkaiko tailer txikiendako egiten ditu bere produktuak.

Talleres J. Navarro: azkoinak eta pieza bereziak

Lau langile dituen tailer honetan azkoin autoblokante arruntak eta planoen

araberako pieza bereziak egiten dituzte. Jose Navarrok 1972an sortutako enpresa Antigua auzoan dago 1982tik. 800 metro karratuko azalera dauka eta LAUKOekin ditu hartu-emanak. Bere produktuak ibilgailuetan eta makina erremintan erabiltzen dira.

Alzas Elektrizitatea: motorrak eta konponketak

Bost langile ari dira motorrak egin eta konpontzen dituzten tailer honetan. Gaur egun lantegiaren azalera handituzko proiektua dute eskuartean, eta gaur egun dituen 225 metro karratutik 410 izatea lortu nahi dute. Francisco Alzasek

1969an ireki zuen tailerra, eta urte hauetan Matz Errekarentzat hainbat motor egiteaz gain, Elay, Balzers, Goizper eta Elcorentzat ere egiten dituzte konponketak.

Talleres Antzuola: pasadoreak eta ferreterietarako gaiak

Sei langile dituen tailer honetan pasadoreak eta ferreterietan saltzeko produktuak egiten dira. 1963an sortu zen tailerra Lapatza Etxeberriko etxean eta gaur egun 700 metro karratu ditu Kalegoin. Juan Cruz Gezalagak zuzentzen duen lantegia CAF eta RENFE bezalako lantegiak ari da lanean.



Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak



IGELTSEROTZA
Jose Luis Zabalo

Birgaitzeak • Fatxadak
Teilatuak • Sukalde eta bainu gelak
Kalegoi 9, 1a., ANTZUOLA. Tf. 943 76 60 89

Antzuolako Hizkera

Jone Larrañaga antzuolarrak egin berri duen Antzuolako Hizkera liburuaren aurkezpena egingo da azaroaren 22an, domekan, 12:30etan.

Aurreko Kontuolan berarekin berba egiteko aukera izan genuen eta hantxe eman zigun liburuaren berri.

Gaztainerre jana

Santa Zezilia eguneko beste ekitaldieta-ko bat gaztainerre jana izango da. Herriko plazan izango da eta Gezalaga anai-arrebak alaituko dute arratsaldea.

XXI. mendeko akordioa: Bai Euskarari

Euskararen Gizarte Erakundeen Kontseiluak "XXI. mendeko akordioa: Bai euskarari" lemapean egiten ari den kanpainaren berri emateko bilera egingo da. Orain dela 20 urte egin zen Bai Euskarari kanpainaren jarraipena izan nahi du ekimenak. Helburua: euskararen normalizazio prozesua azkartzea eta horretarako gizarteko hainbat agente sozial eta ekonomiko inplikatzeko euskararen normalizazio prozesuan. Antzuolan ere heldu nahi zaio kanpainari. Bilera egingo da eguaztenean, azararak 25, 19:00etan, Udaletxeko Pleno Aretoan. Herriko sindikatu, kooperatiba, taberna, elkarte eta Ikastetxeko eta Udaletxeko ordezkarien bat agertzea komeniko litzatekeela diote antolatzaileek. Dena den, bilera kanpainan parte hartu nahi duen guztiari dago zabalik.

Diapositiba emanaldia

Datorren abenduaren lehenean, martitzena, diapositiba emanaldia egongo da zine areotan. Arrola mendizale elkarteak, Jose Ramon Agirren gonbidatu du K-2 izeneko emanaldia eskantzera.

"Marronek" gainera K-2 mendiaren argazkiak jarriko ditu ikusgai, azaroaren 28 eta 29 Udaletxeko Pleno Aretoan.

Santa Zezilia eguna

Domekan izango da Santa Zezilia eguna. Hori dela eta, herriko abesbatzak kontzertua eskainiko du meza ostean. Lehenik eta behin, meza orduan Erruki eta Aita Madinaren Aita Gurea abestuko dute eta ondoren, kontzertua hasiko da elizan bertan. Euren egunerako aukeratu dituzten abestien artean Goizian Argi Eztian, Ttanttangorria eta Sagarraren abestiak entzuteko aukera izango dute entzuleek, eta ha-

banera eta izpiritual bana ere bai. Patxi Azkarateren zuzendaritzapean 40 bat lagun arituko dira goizeko 11:30etatik aurrera herriko parrokian.



Herriko abesbatza iazko emanaldi batean.



Herriko pilotariei omenaldia

Joan zen zapatuan egin ziren omenaldia Mexikon egon diren Haritz Berraondo eta Iker Muruamendiaren pilotariei Olalde Pilota Elkarteak. Hasteko, Josu Agirre-Xabier Biteri antzuolarrek Eneko Loiola-Arkaitz Bermer elgoibartarren aurka aritu ziren. Garaipena antzuolarrena izan zen, 18 eta 6. Bigarren partidua, Haritz Berraondo-Unai Idiakez eta Iker Muruamendiaren Urretabizkaia II.a. 22 eta 16 amaitu zen, Muruamendiaren eta Urretabizkaia II.aren alde.

Partiduetan jasotako dirua Erdialdeko Amerikan Micht hurakanak eragin dako kaltetuei bidaltzea erabaki du Olalde Pilota Elkarteak. Guztira 114.000 PTA jaso ziren eta diru-laguntza Nazioarteko Caritas erakundearen bitartez bideratuko da. Olalde Pilota Elkarteak 16.000 PTA jarri zituen.

GAILUR
taberna eta
gozotegia

Buztinzuri 13 ANTZUOLA
Tf. 943 78 70 32



Jose Gomez
Abad

Errekalde 6, 4-B. Antzuola
943 76 60 19
943 76 60 43

GOROSTI
Taberna

☎ 943 76 62 96
Zurrategi plaza ANTZUOLA

Patxi Olabarriaren askatasunaren alde

Kontzentrazio isila egingo da herriko plazan

Patxi Olabarria preso antzuolarrak joan zen abuztuan bete zituen kartzela zigorraren hiru laurdenak. Hori dela eta, kartzelatik kanpo egon beharko litzateke. Gauzak horrela Euskal Presoak Euskal Herrira Antzuolako Plataformak deituta kontzentrazio isila egingo da herriko plazan.

zioarekin bat egin dezan eskatu dute azaroaren 12ko Udal Batzarrean Korporazioak baietza eman zion eskaera honi.

Udalak onartutakoa

Jadanik ikusiko zenuten kalean Patxi Olabarriak kartzelatik kanpo eraman beharko lukeen egun kopurua jartzen


duen argazkia. Herriko Plataformak ekimen honekin hilabete darama eta asteoro egun kopurua aldatzeaz arduratzen dira. Bestalde, azaroaren 12ko Udal Batzarrean onartu ziren eskaera zehatzak hauek dira: batetik, Patxi Olabarriaren askatasuna eskatzea Espainiako Espetxe Zaintzarako erakundeetan. Bigarrenik, Patxiaren egoera salatzea Eusko Jaurlaritzan zein Madrilgo Gobernu Zentralaren aurrean. Eta hirugarrenik herriko Plataformak Patxi Olabarria askatzearen alde antolatzen dituen ekintzetan Udal Batzar bezala parte hartzea, eta antolatzen diren ekintza horietan herritarrei parte hartzea gonbidatzea. Eskaera honen arabera, domekan, 18:45etan egingo den kontzentrazio isilera batuko da Udal Batzarra.

Espaniako Kartzela legearen arabera, edozein presok bere zigorraren 3/4ak bete ondoren hirugarren graduako preso izateko eskubidea dauka. Dena den, eta hainbat euskal presorekin gertatzen den bezala, Patxi oraindik barruan darrai. Alcalako kartzelan egon ondoren Navalcarnero dago gaur egun.

Euskal Presoak Euskal Herrira Antzuolako Plataformak, Santa Zezilia eguna hautatu du berriz ere Patxiaren askatasuna eskatu eta bide batez Euskal Herritik kanpoko kartzelatan dauden beste hiru preso antzuolar (Pollero, Eltzikorta eta Karmen Irizar) Euskal Herrira ekartzea eskatzeko.

Kontzentrazio isila

Plataformako kideek kontzentrazio isila antolatu dute domekarako. "Egun horretan hainbat ekintza daudenez, egun aproposa iruditu zitzaigun gure eskaera eta protesta egiteko" adierazi digute Plataformako kideek. Hori dela eta, gaztainerre janaren aurretik, arratsaldeko 18:45etan, protesta isila egingo dute herriko plazan. Udalean ere kontzentra-



Patxi, gaur eguakitza, orain dela 114 egun beharko litzateke kalean

Patxi Olabarriak, zigorraren hiru laurdenak bete zituen joan zen abuztuan

igor eta Txomin

Pintura orokorrean.
Paper, tela, binilo, kortxo... estaldurak.
Gotelesa, iztukuak eta bestelako imitazioak.

ANTZUOLA BERGARA
☎ 943 76 60 39 ☎ 943 76 19 98

Arik

Euskal sukaldaritza

Eguneko menua

JATETXEA

Kalebarren 7. ANTZUOLA Tf. 943 78 71 12

LARREA

TABERNA

Kalebarren 17 ANTZUOLA